

չայի գաւառում: Այս շրջանի սահմաններն են հարաւային կողմից Գեօկչայի առաջին լեռնագօտին և Շիրուանի լեռները, իսկ հիւսիսային կողմից հետեւեալ գիւղերը՝ Ալի Ջանլի, Խալաչ, Չալի, Շիլեան I և II Սուրադիսան և Քիւրգամիր, արեւմտեան և արեւելեան կողմից՝ երկու գաւառների սահմանները: Այս գաւառներում պարապում են ինչպէս այգեգործութեամբ, նոյնպէս և պտուղների մշակութեամբ: Ղուբու գաւառում այգիները բռնում են լեռների արեւելեան լանջերը, որոնց վերին մասերում այգիները համարեա՛ բացառապէս կազմուած են պտղատու ծառերից, բայց որքան իջնում են դէպի ծովը, այնքան էլ աւելանում է խաղողի այգիների թիւը, իսկ վերջին ժամանակներում Շաբրանում ծովի ափով ձգուել են ընդարձակ խաղողի այգիներ: Լէնքորանի գաւառում այգիները բռնում են երկու գաւառակներ, ծովափնեայ և լեռնոտ մասերը գաւառի: Առաջին գաւառակում նորքա բռնում են ծովափնեայ անտառոտ մասերը, իսկ երկրորդում մերկ լեռները: Երկու մասերում եւս պարապում են գլխաւորապէս պտղա - այգեգործութեամբ: Ջաւատի գաւառում այգեգործութիւնը զարգացած չէ, այգիները, սակաւ քանակութեամբ, պատահում են այն գիւղերում, որոնք շինուած են Քուրի և նորա ճիւղ Ակուշի ափերում, սկսուած գետաբերաններից մինչեւ Սալիան աւանը:

Ներկայ տարում պտուղների քանակութիւնը, բացի խաղողից, վատ էր, մանաւանդ Ղուբու գաւառում, ուր (ծաղկի) ծառերի ծաղկելու միջոցին եղան մի քանի սառնամանիքներ: Այգեկութը ընդհակառակը շատ լաւ էր, մանաւանդ Շամախու գաւառում, բայց այս տեղ էլ դժբաղդաբար այգիները վնասուեցան կարկուտից, որ պատահեց 1891 թուի գարնանը. Մատրասա գիւղում, որ յայտնի է իւր գինիներով, վնասուեցան գիւղի հիւսիս արեւմտեան այգիները մօտ 200 դեսեատին տարածութեամբ:

ՉԿՆՈՐՍՈՒԹԻՒՆ

Ձկնորսատեղիները Բագուի նահանգի համար միշտ կազմում էին արգիւնքի չափազանց նշանաւոր աղբիւր, բայց նրանցից միշտ